


L'IMPRIMEUR AV LECTEUR.

 Amy Lecteur voicy le dernier des Oeuures du
sieur Henrion Professeur és Mathematiques,
contenant les quinze liures des Elements d'Eu-
clide, traduits en François, avec des Commentaires
beaucoup plus amples & faciles, & des figures mieux
taillées qu'en toutes les traductions precedentes: aus-
quels il a adiousté le liure des Donnez du mesme Eu-
clide, aussi traduit en François; ce qui n'auoit point
encores esté fait iusques icy, quoy que l'usage de ce
liure soit fort commun par toutes les Mathematiques,
& particulièrement en l'Analise, science auourd'huy
tant estimée & recherchée, & qui a remis en ce temps
la Geometrie en son lustre autant qu'elle y fut iamais,
avec esperance d'une perfection beaucoup plus grande.
Cet œuure estoit imprimé dès le viuant de l'Autheur:
& s'il ne l'a publiée, c'est que son intention estoit d'y
adiouster le reste de ce qui se trouue des œuures d'Eu-
clide, sçauoir l'Optique, & Catoptrique, les Pheno-
menes, la Musique, & un fragment du leger & du
pesant, toutes lesquelles parties il auoit desia tradui-
tes, comme en font foy les manuscrits qu'il a laissés,
& qui sont entre les mains de sa veufue: ainsi il diui-
soit toutes les œuures d'Euclide en deux Tomes, des-
quels le premier estoit celui-cy, & le dernier deuoit con-
tenir ce que nous auons dict maintenant, dont la pre-